

31 Oktober 2012

**KENNISGEWING UITGEREIK INGEVOLGE REGULASIE 10(2) VAN GK R.543 (SK 33306 VAN 18 JUNIE 2010) GEPROMULGEER KAGTENS DIE WET OP NASIONALE OMGEWINGSBESTUUR, 1998 (WET NO. 107 VAN 1998), SOOS GEWYSIG, AANGAANDE DIE**

**GOEDGEKEURDE OMGEWINGSMAGTIGING VIR DIE MARAPONG-BOIKARABELO-UITVLOEISELOORDRAG (MBUO)-PYPLEIDING**

**LEPHALALE PLAASLIKE MUNISIPALITEIT , PROVINSIE LIMPOPO, SUID-AFRIKA**

*LDEOOT-verwysingsnommer: 12/1/9/1-W51*

*NEAS-verwysingsnommer: LIM/EIA/0000443/2012*

Geagte Belanghebbende en Geaffekteerde Party (B&GP),

Ledjadja Coal (Pty) Ltd (Ledjadja Coal) het op 25 Oktober 2012 omgewingsmagtiging (OM) vir die MBUO-pypleiding gekry van Limpopo se Departement van Ekonomiese Ontwikkeling, Omgewing en Toerisme (LDEOOT).

Ingevolge die NEMA en die Omgewingsimpakbepaling (OIB)-regulasies, 2010, is die gelyste aktiwiteit wat ingevolge Goewermentskennisgewing R. 544 goedgekeur is, Aktiwiteit 9 – "Die konstruksie van fasilitete of infrastruktuur meer as 1 000 meter (m) in lengte vir die grootmaatvervoer van water, riol of stormwater – (i) met 'n interne diameter van 0.36 m of meer, of (ii) met 'n piekdeurset van 120 liter per sekonde of meer".

Die OM is verleen vir die konstruksie van 'n pypleiding van ongeveer 58 kilometer lank met 'n diameter van 500 millimeter vir die oordrag van 'n maksimum volume van 16 Megaliter per dag behandelde en gechloreerde uitvloeisel wat aan die vereistes voldoen, van die Marapong Munisipale Afvalwaterbehandelingswerke na die Boikarabelo-steenkoolmyn in die Lephala Plaaslike Munisipaliteit, Provincie Limpopo, Suid-Afrika.

**Redes vir die Besluit**

By die neem van die besluit het die Departement onder meer die volgende in ag geneem:

- a) Die inligting vervat in die finale Basiese Bepalingsverslag (BBV) en bykomende inligting wat die Departement op 28 September 2012 en 23 Oktober 2012 ontvang het;
- b) Die oogmerke en vereistes van tersaaklike wetgewing, beleide en riglyne, insluitende artikel 2 van die NEMA;
- c) Fase 1 Argeologiese Impakbepalingsverslag saamgestel deur Natasha Higgitt van Digby Wells Environmental gedateer April 2012;
- d) Flora en Fauna-bepalingsverslag saamgestel deur Louise van Wyk van Digby Wells Environmental gedateer April 2012;
- e) Proses van Openbare Deelname (POP) soos by die finale BBV ingesluit;
- f) Omgewingsbestuursprogramverslag (OBPr) by die finale BBV aangeheg; en

- g) Be vindings van die terreininspeksie op 09 Oktober 2012 gedoen deur mnr F.K Baloyi, me G.J Mukhari en me R Mashele, amptenare van hierdie Departement.

In die lig van die voorgaande is die Departement oortuig dat, behoudens voldoening aan die voorwaardes vervat in die OM, die voorgestelde aktiwiteit niestrydig met die algemene oogmerke van geïntegreerde omgewingsbestuur uiteengesit in Hoofstuk 5 van NEMA sal wees nie en dat enige potensieel nadelige omgewingsimpakte voortspruitend uit die voorgestelde aktiwiteit tot aanvaarbare vlakke versag kan word. Die magtiging word gevoldiglik toegestaan.

**Kennis van Voorneme om te Appelleer**

Appèl teen die besluit kan aangeteken word ingevolge Hoofstuk 7, regulasie 60(10) van die OIB NEMA-regulasies, 2010. Indien u teen enige aspek van die besluit wil appelleer, moet u onder meer 'n kennisgewing van voorneme om te appelleer by die Lid van die Uitvoerende Raad (LUR) vir Ekonomiese Ontwikkeling, Omgewing en Toerisme indien binne 20 dae na die datum van die besluit (14 November 2012).

Die kennisgewing van voorneme om te appelleer, asook die appèl, moet by die volgende Departement ingedien word:

**Aandag: LUR – Limpopo se Departement van Ekonomiese Ontwikkeling, Omgewing en Toerisme**

**Faksimilee: (015) 293 8317**

**Posadres: Privaat Sak X9484 • Polokwane • 0700**

**Aflewering per hand: 3de Verdieping, Evridiki Towers • Hans van Rensburgstraat 20 • Polokwane, 0699**

Ingevolge regulasie 60(3) van NEMA moet u, indien u besluit om te appelleer, 'n afskrif van die kennisgewing van voorneme om te appelleer binne 10 dae (05 November 2012) aan die aansoeker beteken. Die besonderhede van die aansoeker is soos volg:

**Aandag: Mn Hennie van den Aardweg (Hoofbestuurder van die Maatskappy) - Ledjadja Coal (Pty) Ltd**

**Faksimilee: 086 539 3792**

**Posadres: Posbus 5384 • Rietvalleirand • 0174**

Neem asb kennis dat 'n afskrif van die Omgewingsmagtiging van LDEOOT op versoek verkrybaar is van Digby Wells Environmental, kontakpersoneel: **Me Lerato Ratsoenyane, Tel: (011) 789 9495, Faks: (011) 789 9498**

**Posadres: Privaat Sak X10046, Randburg, 2125 E-pos: lerato@digbywells.com..**

Met vriendelike groete

Lerato Ratsoenyane



Openbare Deelnamepraktisy  
Tel: (011) 789 9495  
Faks: (011) 789 9498  
E-pos: [lerato@digbywells.com](mailto:lerato@digbywells.com)

Louise van der Berg-Nicolai



Projekbestuurder  
[louise@digbywells.com](mailto:louise@digbywells.com)